

# STJÓRNARTÍÐINDI B 26 – 2000

29. febrúar 2000

345

Nr. 125

## AUGLÝSING

### um breytingu á gjaldskrá Rafmagnsveitna ríkisins.

Samkvæmt orkulögum nr. 58 29. apríl 1967 hefur ráðuneytið staðfest eftirfarandi breytingu á gjaldskrá Rafmagnsveitna ríkisins er taki gildi 1. mars 2000.

Gjaldskrá Rafmagnsveitna ríkisins nr. 427, 16. júní 1999 breytist þannig:

Niður fellur í kaflanum „Skilgreiningar og ýmis ákvæði“ 5. gr. Véla- og tækjanotkun. Í staðinn kemur:

#### 5. Véla- og tækjanotkun.

Falli meðalfasviksstuðull í tilteknum mánuði á tímabilinu 1. október til 1. maí, niður fyrir 0,9 er RARIK heimilt fyrir þann mánuð að krefjast viðbótarorkugjalds, 0,070 kr/kWh, fyrir hvert hundraðshlutastig, eða meirihluta úr stigi, sem meðalfasviksstuðullinn fer niður fyrir slíkt lágmark.

Heimilt er að banna notkun rafsúðuspenna og annarra tækja, er valda tilfinnanlegum truflunum, um lengri eða skemmri tíma eftir aðstæðum hverju sinni.

Ennfremur fellur niður: III. TENGIGJÖLD í staðinn kemur eftirfarandi:

### III. Tengigjöld.

#### 1. Þéttbýli.

Til þéttbýlis teljast skipulögð hverfi með samfelldri byggð og frágengnu gatnakerfi þar sem fjarlægð milli húsa fer að jafnaði ekki yfir 200 metra og íbúatalan er yfir 50 miðað við skrá Hagstofu Íslands um síðastliðin áramót.

Í þéttbýli sem tengist veitusvæðum Rafmagnsveitna ríkisins gilda eftirfarandi skilgreiningar og ákvæði um tengigjöld:

- 1.1 *Heimtaugar.* Heimtaugar í þéttbýli greinast í aðalheimtaugar, smáheimtaugar og bráðabirgðaheimtaugar. Málstraumur heimtaugar miðast við stærð stofnvara húsveitu.
- 1.2 *Aðalheimtaugar.* Gjöld fyrir aðalheimtaugar eru háð stærð heimtaugar. Lágmarksstærð eins og þriggja fasa heimtaugar er 63 A. Fyrir uppsetningu viðbótarmælis fyrir annan notanda á sömu heimtaug greiðast kr. 15.500 fyrir hvern notanda.

**Tengigjöld.**

| Málstraumur/gerð         | Verð án vsk kr. |
|--------------------------|-----------------|
| 63 A einfasa .....       | 89.000          |
| 63 A þriggja fasa .....  | 99.500          |
| 100 A þriggja fasa ..... | 157.900         |
| 200 A þriggja fasa ..... | 315.800         |
| 315 A þriggja fasa ..... | 497.400         |
| 400 A þriggja fasa ..... | 631.600         |
| 500 A þriggja fasa ..... | 789.500         |
| 630 A þriggja fasa ..... | 994.800         |
| 800 A þriggja fasa ..... | 1.263.200       |

- 1.3 *Ómældar smáheimtaugar.* Gjald fyrir ómelda smáheimtaug frá götugreiniskáp [uppsett afl allt að 0,5 kW] er 30.500 kr. innifalin er tengivinna í götugreiniskáp ásamt tengibúnaði og 10 m af jarðstreng. Fyrir streng umfram 10 m greiðast 255 kr/m. Öll jarðvinna svo sem, gröftur, söndun og frágangur er *undanskilin* í ofangreindu gjaldi. Ef jarðvinna að hluta eða öllu leyti er unnin af Rafmagnsveitunum skal hún greidd eftir tilboði

- 1.4 *Bráðabirgðaheimtaugar.* Grunngjald fyrir bráðabirgðaheimtaugar er eftirfarandi:

| Málstraumur/gerð         | Verð án vsk kr. |
|--------------------------|-----------------|
| 63 A einfasa .....       | 15.500          |
| 63 A þriggja fasa .....  | 21.800          |
| 100 A þriggja fasa ..... | 23.800          |

Auk grunngjalds skal greiða kostnað við framkvæmd verks samkvæmt tilboði, sem miðast við aðstæður hverju sinni. *Bráðabirgðaheimtaugar skulu aflagðar innan 12 mánaða frá tengingu þeirra.*

- 1.5 *Breyting á heimtaug.* Þegar aðalheimtaug er breytt úr loftlínuheimtaug í jarðstrengsheimtaug sér notandi um jarðvinnu á eigin lóð.
- 1.6 *Staðsetning.* Leita skal samþykkis Rafmagnsveitnanna fyrir staðsetningu inntaks heimtaugar.
- 1.7 *Framkvæmd.* Umsækjanda ber að leggja á sinn kostnað plaströr fyrir heimtaugastreng út fyrir lóðamörk í samráði við Rafmagnsveiturnar (sbr. Tæknilega tengiskilmála 3.2.6). Ef farið er fram á að heimtaug sé lögð þegar frost er í jörðu, skal umsækjandi sjá um alla jarðvinnu.
- 1.8 *Frávik.* Fyrir heimtaugar á svæði þar sem skipulagsvinnu er ólokið eða heimtaugar stærri en 800 A gera Rafmagnsveiturnar tilboð um tengigjald. Gjald fyrir aðrar breytingar á heimtaugum en um getur í verðskrá þessari er samkvæmt tilboði. Þegar heimtaug er stækkuð skal greiða mismun tengigjalds nýju og gömlu heimtaugarinnar samkvæmt 1.2 þ.e. fullt tengigjald fyrir hina nýju heimtaug að frádregnu fyrri tengigjaldi samkvæmt gildandi gjaldskrá.
- 1.9 *Spennistöð.* Þurfi að setja spennistöð, að mestu eða öllu leyti fyrir einn notanda, skal hann leggja til lóð eða húsnæði fyrir spennistöðina, eftir því sem hagkvæmara þykir að mati Rafmagnsveitnanna, með hliðsjón af aðstæðum hverju sinni. Þegar lóð er lögð til er það gert Rafmagnsveitunum að kostnaðarlausu og hlíta ber skilmálum Rafmagnsveitnanna um stærð og staðsetningu lóðarinnar. Ef Rafmagnsveiturnar samþykkja að nýta húsnæði sem notandinn leggur til fyrir spennistöðina skal húsnæðisaðstaðan fullnægja þeim kröfum sem gerðar eru um húsnæði til þessara nota svo sem um brunahólf og að öðru leyti fullnægja byggingarreglugerð. Ganga skal frá skriflegum leigusamningi um húsnæðið.

- 1.10 *Aukakostnaður.* Sé fyrirsjáanlegt vegna fjarlægðar eða annarra aðstæðna að kostnaður við lagningu heimtaugar verði meira en 50% hærri en gildandi gjaldskrá segir til um í lið 1.2 skal greiða þann áætlaða kostnað sem er umfram 50% .
- 1.11 *Götulýsing.* Gjald fyrir uppsetningu götuljósa í þéttbýli er eftirfarandi:

**Götuljósastaurar með mismunandi ljósbúnaði**

(Hæð frá jörðu í ljóspunkt)

**Verð án vsk kr.**

|                                                     |         |
|-----------------------------------------------------|---------|
| Götuljósastaur 6,3 m, 100 W NA, 28 m strengur ..... | 75.100  |
| Götuljósastaur 6,3 m, 125 W HQ, 28 m strengur ..... | 72.100  |
| Götuljósastaur 8 m, 100 W NA, 33 m strengur .....   | 76.390  |
| Götuljósastaur 8 m, 125 W HQ, 33 m strengur .....   | 84.900  |
| Götuljósastaur 10 m, 150 W NA, 40 m strengur .....  | 108.200 |

Aðrar stauragerðir skulu afgreiddar eftir tilboði.

Fyrir hvern staur umfram 10 stk. er veittur 15% afsláttur þar sem um er að ræða staura á sama stað í samfallandi verki sem samið er um í einu lagi.

**2. Dreifbýli.**

- 2.1 *Tengigjöld á skipulögðu svæði í dreifbýli.* Með skipulögðu svæði er átt við afmarkað hverfi, þar sem fyrir liggur uppdráttur af staðsetningu húsa og lóða hverfisins í mælikvarða 1:500 til 1:2000, staðfestur af Skipulagsstofnun. Á staðfestum uppdrátti skulu koma fram akbrautir, stígar, stærð lóða og staðsetning húsa á lóðum. Stærð heimtaugar miðast við hlutdeild í spennistöð.

**Tengigjöld****Málafi****Verð án vsk kr.**

|     |     |                |         |
|-----|-----|----------------|---------|
| 5   | kVA | heimtaug ..... | 200.900 |
| 10  | kVA | heimtaug ..... | 221.300 |
| 25  | kVA | heimtaug ..... | 257.000 |
| 50  | kVA | heimtaug ..... | 316.200 |
| 100 | kVA | heimtaug ..... | 408.000 |

Um er að ræða einfasa eða þrífasa heimtaugar, háð gerð fyrirbyggjandi háspennu-dreifikerfis.

Meðallengd heimtaugar og lágspennudreifikerfis, án þess að til greiðslu umframgjalds komi má ekki fara yfir 200 m.

Umframgjald fyrir hvern metra 700 kr.

- 2.2 *Eftirlit.* Sveitarfélag, landeigandi eða félag sumarhúsaeyganda viðkomandi hverfis, eftir því sem við á, tryggi í samráði við Rafmagnsveiturnar heimild til lagningar dreifikerfis, hvort heldur er háspennukerfis eða uppsetningar nauðsynlegs búnaðar sem og allan eðlilegan umgengisrétt til eftirlits, rekstrar og viðhalds kerfisins.
- 2.3 *Fjöldi og lengd.* Í upphafi þurfa a.m.k. 5 hús á skipulögðu svæði að tengjast hverri spennistöð sem sett er upp. Tengigjöld fyrir einstakar viðbótarheimtaugar frá spennistöð sem er fyrir hendi falla einnig undir 2.1. Meðallengd heimtauga og lágspennudreifikerfis fari ekki yfir 200 m. Umframlengd greiðist samkvæmt 2.1. Lengd háspennudreifikerfis sem leggja þarf að skipulögðu svæði má ekki fara yfir 100 metra á hverja lóð nema til komi greiðsla fyrir umframlengd samkvæmt tilboði.
- 2.4 *Uppbygging.* Sé fyrirsjáanlegt að mati Rafmagnsveitnanna að svæði sem skipulagt hefur verið komi til með að byggjast seint upp, geta Rafmagnsveiturnar krafist þess að fyrir allt að 35% af lóðafjölda verði greitt tengigjald, áður en ráðist er í framkvæmdir. Staðsetning húsa innan skipulagðs svæðis (þéttleiki byggðar) hefur enn fremur áhrif á ákvörðun um hvort rafvæðing verður heimiluð innan ramma gjaldskrár.

- 2.5 *Lega.* Lega heimtaugar frá lágspennudreifikerfi skal ákveðin í samráði við Rafmagnsveiturnar, en umsækjandi sér um gröft fyrir heimtaug innan sinna lóðarmarka og annast frágang í samræmi við tæknilega tengiskilmála TT 3.6 / 3.11. Þar sem ekki er um búsetu eða reglulega starfsemi að ræða er mælir settur í mælakassa utandyra. Rafmagnsveiturnar leggja til mælakassann, en rafverktaki annast uppsetningu og tengingu á kostnað húseiganda.
- 2.6 *Frávik.* Fyrir aðrar heimtaugar skal tengigjald ávallt vera samkvæmt tilboði, þó að lágmarki samkvæmt 2.1. Um bráðabirgðaheimtaugar í dreifbýli, viðbótarmæla og smáheimtaugar gilda sömu reglur og í þéttbýli (kafla 1.2, 1.3, 1.4 og 1.7).
- 2.7 *Þrífösun spennistöðvar.* Gjald fyrir þrífösun á spennistöð að ósk notanda skal vera 50.000 kr. á hvern notanda sé þriggja fasa háspennulögn til staðar, og aðeins þurfi að breyta spennistöð. Notanda ber að tryggja sem jafnast álag á fasa. Séu fleiri en einn notandi á hverri spennistöð skal breyta þeim öllum samtímis að öðrum kosti gildir fyrsta málsgrein gr. 2.11.
- 2.8 *Þrífösun háspennulagnar.* Sé þriggja fasa háspennulögn ekki fyrir hendi, en viðkomandi svæði á langtímaáætlun Rafmagnsveitnanna um þrífösun greiðir umsækjandi kostnað samkvæmt tilboði Rafmagnsveitnanna allt að 500.000 kr. Fyrir kostnað umfram 500.000 kr. vegna breytinga í háspennukerfi greiðir notandi 30% hlutdeild í kostnaði.
- 2.9 *Endurkröfuréttur.* Hafi notandi greitt hærri upphæð en 500.000 kr. í þrífösun háspennukerfis skal eftirfarandi gilda: Tengist aðrir notendur viðkomandi kerfi skulu þeir taka samsvarandi þátt í kostnaði óski þeir þrífösunar innan 5 ára frá verklokum, og skal þá sá sem upphaflega greiddi þrífösunargjald eiga endurkröfurétt þannig að kostnaði sé jafnað á milli notenda. Kostnaðarhlutdeild og endurkröfuréttur skal þó árlega lækka um 20% og falla niður að 5 árum liðnum.
- 2.10 *Ný háspennulögn.* Sé ný háspennulögn lögð fyrir einn eða fleiri notendur greiðist kostnaður að fullu. Nemi gjaldið fyrir lögnina hærri upphæð en 500.000 kr. á hvern notanda skulu gilda sömu reglur og í lið 2.9 um kostnaðarþátttöku notenda sem síðar tengjast línunni og endurkröfurétt þeirra sem upphaflega greiddu. Fari línulengd til einstaks notanda yfir 2 km er Rafmagnsveitunum heimilt að krefjast árlegs viðbótarfastagjalds fyrir vegalengd umfram 2 km.
- 2.11 *Breytingar.* Greiðsla vegna breytinga á heimtaug, spennistöð eða öðrum kerfishlutum fer eftir tilboði hverju sinni. Þegar aðalheimtaug er breytt úr loftlínuheimtaug í jarðstrengsheimtaug er það gert notanda að kostnaðarlausu ef frá er talin jarðvinna. Séu fleiri en ein loftlínuheimtaug frá sömu spennistöð skal breyta þeim öllum samtímis. Óski notandi eftir stækkun heimtaugar skal hann greiða mismun tengigjalds nýju og gömlu heimtaugarinnar samkvæmt lið 2.1, annars samkvæmt tilboði.
- 2.12 *Götuljós.* Greiðsla fyrir uppsetningu götuljóss í dreifbýli skal vera eftir tilboði Rafmagnsveitnanna hverju sinni.

### 3. Hitaveitur.

- 3.1 *Tengigjöld* Tengigjald fyrir hverja 20 mm heimæð er kr. 99.500 án vsk. Fyrir hverja mælagrind umfram eina greiðast kr. 38.000 án vsk.
- 3.2 *Takmörkun.* Rafmagnsveitunum er heimilt að takmarka aðgang að heitavatnskerfi ef orkuöflun gefur tilefni til.
- 3.3 *Mælagrind.* Hverri heimtaug fylgir ein mælagrind. Greiða skal aukagjald fyrir hverja mælagrind umfram þá fyrstu.

- 3.4 *Aukakostnaður.* Sé fyrirsjáanlegt vegna fjarlægðar eða annarra aðstæðna að kostnaður við lagningu heimtaugar verði meira en 50% hærri en gildandi gjaldskrá segir til um, samkvæmt lið 3.1 skal greiða þann áætlaða kostnað sem er umfram 50%.
- 3.5 *Frávik og breytingar.* Gjöld fyrir aðrar stærðir en um getur að ofan svo og breytingar greiðist samkvæmt tilboði hverju sinni.

**4.0 Annað.**

- 4.1 *Gjöld.* Öll gjöld eru gefin upp án virðisaukaskatts. Heimtaugar og götuljós eru í eigu Rafmagnsveitna ríkisins, en með greiðslu tengigjalda öðlast notandi afnotarétt. Tengigjöld skulu greidd áður en framkvæmd hefst.
- 4.2 *Frágangur.* Frágangur rafmagnsheimtauga skal vera samkvæmt tæknilegum tengiskilmálum rafveitna.
- 4.3 *Endurtenging.* Sé veitu lokað um lengri tíma en 6 mánuði, má búast við aftengingu heimtaugar. Falli notkun um heimtaug niður í a.m.k. 5 ár, telst heimtaug aflögð og þarf að greiða fullt tengigjald, hefjist notkun að nýju. Fyrir skemmri tíma greiðist fastagjald F.1 fyrir hvert ár sem liðið er frá aftengingu, auk kostnaðar við endurtengingu.
- 4.4 *Breytingar.* Breytingar aðrar en stækkun á heimtaug eru háðar framkvæmdaáætlun Rafmagnsveitna ríkisins hverju sinni.

Öll gjöld eru gefin upp án virðisaukaskatts nema annars sé getið. Virðisaukaskattur leggst á gjöldin samkvæmt gildandi lögum hverju sinni.

*Iðnaðarráðuneytinu, 29. febrúar 2000.*

F. h. r.

**Jón Ingimarsson.**

*Katrín Jóhannsdóttir.*